



18 1 OKT. 2016

Inatsisartunut ilaasortaq Kelly Berthelsen, Inuit Ataqatigiit NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Aatsitassanut ikummatissanullu inatsit-Tanbreez pillugu § 37 naapertorlugu
apeqqummut nr. 2016-245-imut akissuteqaat**

Inatsisartut suleriaasianni § 37, imm. 1 naapertorlugu apeqqutit matuma kingulianiittut
Naalakkersuisunut saqqummiuppatit. Apeqqutip 2-ip aamma 3-ip
akissuteqarfiginissaannut Inuusutissarsionermut, Suliffeqarnermut Niuernermullu
Naalakkersuisoqarfimmit ilassutissanik piniartoqarpoq.

10. oktober 2016
Sagsnr. 2016-14515

Postboks 930
3900 Nuuk

Tlf. (+299) 34 68 00

Fax (+299) 32 43 02

E-mail: mmr@nanoq.gl

www.naalakkersuisut.gl

**1. Tanbreezip Killavaat Alannguanni piiaanissaq pillugu isumaqatigiinniarnert
sumut killippat?**

Akissut:

Naalakkersuisut ulloq 3. september 2015 tunngaviusut pigineqartut tunngavigalugit
qinnuteqaat itigartikkaa ingerlatseqatigiiffiup nalunaarfigineqarnerata kingorna,
aatsitassanut oqartussaasup ingerlatseqatigiiffik ingerlaavartumik
oqaloqatigisarpaa aammalu ingerlaavartumik ataatsimeeqatigisarlugu.
Ingerlatseqatigiiffiup arlaleriarluni oqaatigaa qinnuteqaat nutartigaq takkutilersoq.

Qinnuteqaammik nutaamik imaluunniit qinnuteqaammik nutartikkamik,
qinnuteqaatip nutaamik nalilersorsinnaanissaanut naammattumik
uppernarsaasiinernik imaqartumik, Aatsitassanut oqartussaasoq suli
tigusaqanngilaq. Taamaattumik naammassineqanngitsut § 37 naapertorlugu
apeqquteqaammut 2016-104-imut akissuteqaammi taaneqartut, suli
paasinarsinneqanngillat. Tassani ilaatigut pineqarput suliassap
aningaasaqarnikkut imminut akilersinnaassusaanut, royalty-nut akiliutissanut kiisalu
akuutissat umaatsut atorlugit avissaartiterinermik suliaqarnerup ingerlanissaanik
inerisaanissamut inissinissamullu uppernarsaasiineq.

**2. Aatsitassanut ikummatissanullu inatsimmi § 18, imm. 3 Tanbreezip Killavaat
Alannguanni piiaanissaanut tunngatillugu qanoq
aalajangiusimaneqartigissava?**

**3. Aatsitassarsionnissap aallartinnissaanut pissutsit aalajangersimasut
tunngavigalugit aatsitassanut ikummatissanullu inatsimmi § 18, imm. 3
eqqaannerusumik aqqiisoqarsinnaava?**

Akissut:

Apeqqutip 2-ip aamma 3-ip imminnut ataqatigiinnerat pissutigalugu taakkua
ataatsimooriillugit akissuteqarfigineqarput.

Aatsitassanut ikummatissanullu inatsimmi § 18, imm. 3 malillugu Kalaallit Nunaanni
suliareqqiineq annertuumik annertunerusunik aningaasartuuteqarnernik imaluunniit

ajojutissartaqarnernik malitseqassappat, aatsitassanik suliareqqiineq Kalaallit Nunaata avataani ingerlanneqarsinnaavoq. Inatsimmut nassuiaatit malillugit aalajangersagaq aatsitassanut ikummatissanullu inatsimmi § 18-imi aalajangersakkanut allanut ataqatigiissillugu, *"inooqatigiinnermi aningaasarsiornermi eqqarsaatigisassat iluaqusissavaat kiisalu Kalaallit Nunaanni suliffissaqarniarnerup inuussutissarsiornermillu ingerlatsinerup qulakkeernissaanut ilapittuutaassaaq. Ilutigitiillugu qulakkeerneqassaaq, Kalaallit Nunaanni aatsitassanik misissuinerup paaanermullu atatillugu sulianik isumaginninnermi piginnaasanik ilisimasanillu Kalaallit Nunaanni inerisaaneqassaaq."* Suliareqqiineq Kalaallit Nunaanni ingerlanneqartassasoq pillugu aallaavisoq, Kalaallit Nunaanni suliffissaqartitsiniarnerup aamma inuussutissarsiornerup il.il. qulakkeernissaanut tunngavissaqartinnissaanullu, iluaqutaassaaq, pissutigalugu suliffissat amerlanerujussuit paaanerpiamiit (ujaqkerivik) suliareqqiisarnermut atasuummata. Suliffissat amerlanerusut ataatsimut isigalugu atugarissaarnermik siuariartortitsinerulertussaapput, akileraarutiniq A-nik amerlisitsisussaallutik aammalu isumaginninnikkut aningaasartuutiniq annikillisisusussaallutik.

Aatsitassanut ikummatissanullu inatsimmi § 18, imm. 3-ip Inatsisartunit akuerineqartup malinneqarnissaata qulakkeernissaa siunertaralugu, kinaassusersiunngitsumik tunngavissaqarnissaaq siunertaralugu, Aatsitassanut oqartussaasup siunnersortit suliffeqarfiat ingerlalluortoq, najoqqutassanik Tanbreez-imit nassiunneqartunik nalilersuitippaa, taanna tunngavigalugu Kalaallit Nunaanni suliareqqiineq annertuumik annertunerusunik aningaasartuuteqarnernik imaluunniit ajojutissartaqarnernik malitseqassasoq, najoqqutassani Tanbreez-imeersuni uppernarsineqarsimanersoq, isummertoqarsinnaassalluni. Siunnersortit suliffeqarfiata najoqqutassanik nalilersuinermini, Kalaallit Nunaanni suliareqqiineq teknikkikkut ajornassasoq imaluunniit imminut akilersinnaassanngitsaq, inerniliinissamut tunngavissaqarsorinngilaa.

Tamatuma kingorna Eqqartuussissuserisut suleqatigiit ingerlatseqatigiiffiat Lett aamma Kukkuersuisartut suliffeqarfiat PWC taamatutaaq naliliipput, aatsitassanik suliareqqiineq imminut akilersinnaassanngitsaq inerniliissutigissallugu, najoqqutassat Tanbreez-imit nassiunneqartut tunngavissaliinngitsut.

2014-imi februaarimi aalajangiineq tunngavigalugu allakkat ilaatigut Kalaallit Nunaanni suliareqqiisarfeqarsinnaaneq pillugu ingerlatseqatigiiffik VVM-imut nassuiaammik aammalu VSB-imut nassuiaammik annertusakkamik suliaqassasoq pillugu aalajangersakkamik imaqartut, ingerlatseqatigiiffimmut nassiunneqareerput.

Suliap ingerlanerani paaanissamut akuersissummut missingiut kiisalu IBA-mut missingiut Tanbreez-imut nassiunneqarput, taakkualu ingerlatseqatigiiffimmit akuerineqanngillat. Tamatumunnga ilaatigut pissutaavoq ingerlatseqatigiiffiup Kalaallit Nunaanni suliareqqiisarfimik inissinissamut tunngatillugu annertunerusunik misissuinerup suliaqarnissamik kissaateqannginnera, tamanna aatsitassanut ikummatissanullu inatsimmut unioqutitsinerugaluortoq, aatsitassanut tamaginnut kisermaassisussaataitanissamik ingerlatseqatigiiffik kissaateqarpoq. Aammattaaq piumasaqaatit nunani tamalaani tamatumunnga piumasaqaataasartut malillugit aatsitassanut sillimmataasunut uppernarsaatiniq ingerlatseqatigiiffik nassiussinngilaq. Siunnersortit avataaneersut naliliipput, suliassaq suliffissuaqarnertut annertussusilimmik teknologiikkut piujuartussaassanersoq uppernarsaaserneqanngitsaq. Misileraanernik suliaqarneq maannamut ingerlanneqartoq tamakkiisuunngilaq aammalu naliliisoqarpoq akuutissanik

uumaatsunik atuilluni avissaartiterisarfirmut suliassamut nassuiaat missingiutitut iluseqartoq.

2015-imi septembarimi Naalakkersuisut naliliipput ingerlatseqatigiiffiup qinnuteqaataa maannatut iluseqarluni akuersissuteqarfigineqarsinnaassanngitsaq. Tamanna Aningaasaqarnermut Aatsitassanullu Naalakkersuisumit, Pinngortitamut, Avatangiisinut Nukissiuuteqarnermullu Naalakkersuisumit kiisalu Inuussutissarsiornermut, Suliffeqarnermut, Niuernermit Nunanullu Allanut Naalakkersuisumit allakkanik malitseqartinneqarpoq, tassani aalajangiineq Naalakkersuisunit aalajangiiffigineqartoq innersuussutigineqarluni. Aatsitassanut oqartussaasup aalajangiinerup taassuma kingorna, qinnuteqaammut najoqqutassanut nutaanut imaluunniit nutartikkamut piunasaqaatit suut piunasaqaatigineqarnermut pillugu, ingerlatseqatigiiffik oqaloqatigaa.

Aatsitassanut Ikummatissanullu Aqutsisoqarfiup ataatsimiinnerni kiisalu allaganngorlugu ingerlatseqatigiiffimmut alloriarnerit marluk periaaseralugu periuseqarnissaq arlaleriarluni siunnersuutigisarpaa, taamaalilluni qinnuteqarnermut najoqqutassat naammassineqarsinnaassallutik aammalu nutaamik nalilersorneqarsinnaassallutik. Tanbreez qinnuteqaammut najoqqutassanik nutaanik imaluunniit nutartikkanik suli nassiussingilaq.

4. aarlerinaateqartigigaluarpat, soorlu akuutissanik sakkortuunik atuiiffiusaraluarpataluunniit, ilumut aalajangersagaq taanna aalajangiusimaannarniarneqarneqarpa?


Akissut:

Aatsitassanut ikummatissanullu inatsimmi § 18, imm. 3 naapertorlugu, najukkami suliareqqiineq annertuumik annertunerusunik aningaasartuuteqarnermik imaluunniit ajoqutissartaqarnermik malitseqassasooq uppersarneqarsinnaappat, suliareqqiineq Kalaallit Nunaata avataani ingerlanneqarsinnaasooq, suleriaasiuvoq. Taamaattumik atortussat piiaarneqartut tamakkiisumik, ilaannaasumik suliareqqinneqarsinnaanersut imaluunniit suliareqqiisoqarsinnaannginnersoq, qinnuteqartumit najoqqutassanik tiguneqartunik ataasiakkaatigut nalilersuineq apeqqutaasussaavoq. Aatsitassanut oqartussaasup ataasiakkaatigut nalilersuineq taanna sularinissaanut periarfissaqassappat, uppersaatit Kalaallit Nunaanni suliareqqiinissap saneqqunneqarnissaanik akuerineqarnissaq pillugu qinnuteqaammut ilanngullugit nassiunneqartut, tamakkiisuunissaat soorunami pisariaqarpoq.

Akuutissanik uumaatsunik sakkortuunik atuinissaq, ingerlatseqatigiiffiup Kalaallit Nunaata avataani suliareqqiinissamik akuerineqarsinnaanissaanut, imminermi naammangilaq. Tamatuminnga aalajangiisinnaanissaq sioqqullugu, suliareqqiinerup ingerlasarnera tamaat nassuiarneqassaaq, ilanngullugu akuutissat uumaatsut suut atorneqassanersut aammalu sinnikut qanoq "Nunani tamalaani suleriaatsit pitsaanerpaat" atorlugit qanoq iliorluni avatangiisinut akisussaassuseqarnerpaamik suujunnaarsinneqarsinnaanersut /iginneqarsinnaanersut.

Kalaallit Nunaanni suliareqqiineq annertuumik aningaasartuuteqarnerunermik aamma/imaluunniit annertuunik ajoqutissartaqarnermik malitseqassasoq, assersuutigalugu mingutsitsinertut ittumik, Aatsitassanut oqartussaasoq uppersaatinik tamakkiisunik tigusaqanngimmat, maannakkorpiaq aalajangersagaq attatiinnarneqassanersoq taamaassannginnersorluunniit akineqarsinnaangilaq.

Inussiamersumik inuulluaqqusillunga



Randi Vestergaard Evaldsen